

# **JAVNI POZIV ZA IZDAVANJE POTVRDA ZA OBAVLJANJE RADOVA USPOSTAVE TEMELJNE TOPOGRAFSKE BAZE PODATAKA FBiH**

08.04.2019 12:28



Na osnovu člana 32. stav (1) i člana 34. stav (2). Zakona o premjeru i katastru nekretnina, („Službeni list SR BiH“ br. 22/84, 12/87, 26/90, 36/90 i „Službeni list RBiH“ br. 4/93 i 13/94), koji se na osnovu člana IX.5. (1) Ustava Federacije Bosne i Hercegovine primjenjuje kao federalni zakon, te Pravilnika o Temeljnoj topografskoj bazi podataka („Službeni list Federacije BiH“ broj 17/19), Federalna uprava za geodetske i imovinsko-pravne poslove, svim privrednim subjektima zainteresovanim za izvođenje radova izrade temeljne topografske baze podataka

## **JAVNI POZIV**

### **ZA IZDAVANJE POTVRDA ZA OBAVLJANJE**

### **RADOVA USPOSTAVE TEMELJNE TOPOGRAFSKE BAZE PODATAKA FBiH**

Federalna Uprava za geodetske i imovinsko-pravne poslove, planom nabavke za 2019. godinu, predvidjela je i nabavku usluga „Izrada temeljne topografske baze podataka Hercegovačko-neretvanskog kantona mjerila 1:10 000“, koja se u skladu s članom 32. i članom 34. Zakona o premjeru i katastru nekretnina, te članom 5., stav (2) i (3) Pravilnika o osnovnim geodetskim radovima, mogu obavljati samo uz posjedovanje potvrde izdate od strane ovog organa.

Članom 17. Zakona o premjeru i katastru nekretnina poslovi premjera i uspostavljanja katastra nekretnina su u nadležnosti Federalne uprave za geodetske i imovinsko-pravne poslove, a članom 5., 28. i 29. istog zakona radovi izrade temeljne topografske baze podataka su definisani kao dio premjera.

Zahtjev za izdavanje potvrde podnosi se na način i prema sadržaju propisanim članom 5. Pravilnika o osnovnim geodetskim radovima.

Sve dodatne informacije mogu se dobiti u Federalnoj upravi za geodetske i imovinsko-pravne poslove, ulica Hamdije Kreševljakovića br. 96, 71000 Sarajevou vremenu od 13:00 do 15:00 svakog radnog dana, a navedeni propisi na adresi: ([www.fgu.com.ba](http://www.fgu.com.ba)).